

646 **D**az Gawan von Artuse reit,
 sît hât sorge und leit
 mit krache ûf mich geleit ir vlîz.
 mir sagete Meljanz von Liz,
 5 er sâhe in sît ze Parbigœl.
 owî«, sprach si, »Plimizœl,
 daz dich mîn ouge ie gesach!
 waz mir doch leides dâ geschach!
 Cunneware de Lalant
 10 wart mir nimmer mêr bekant,
 mîn süeziu, werdiu gespil.
 tavelrunde wart dâ vil
 mit rede ir reht gebrochen.
 vünftehalp jâr unt sehs wochen
 15 ist, daz der werde Parzival
 von dem Plimizœl nâch dem Grâl
 reit. dô kêrt ouch Gawan
 gein Ascalun, der werde man.
 Jeschute und Eckuba
 20 schieden sich von mir al dâ.
 grôz jâmer nâch der werden diet
 mich sît von stâten vreuden schiet.«
 diu künegîn trûrens vil verjach.
 hin zem knappen si dô sprach:
 25 »Nû volge mîner lêre:
 verholne von mir kêre,
 unze sich erhebe hôch der tac,
 daz daz volc ze hove wesen mac,
 rîter, sarjande,
 30 diu grôze mahinande.

mit kraft ûf *G *T

waz mir l. d. ie (mir do leides [*]: bi dir V) schach! *T

werdiu, süeziu *T

sît om. *G (ohne Z)

si doch sp.: *T (nur Q)

dâ (So L) daz v. *G (*T) (nur Q)

r. unde sarjande *G (nur G) (*T) (nur Q)

unde diu guote (die gûten I diu grôze *T) m. *G (*T)

*D: D *m: m Fr69 (646.12–15 und 26–28) *G: G I L Z *T (Q): Q V

1 Initiale D G I L Z 21 Initiale I 25 Majuskel D

1 Daz] +az D sît *m 2 sît] sô *m 3 krache] kraft ([r*]: craft m) *m · vlîz] prîs *m 8 waz leides mir bî dir geschach! *m 10 mêt] sît ([*]: sît V) *m (V) 12 tavelrunde] der tavelrunder ([*auelrvnder]: der taelrvnder V) *m (V) 20 schieden sich ouch von mir dâ. *m 27 erhebe hôch] hôch erhebe (hebe Fr69) *m 29 ritter und sarjant, *m 30 diu grôze] die grôzen *m